

NÓTAÍ

Téigh i dteagmháil le d'Oifig Mótarchánach áitiúil le do thoil má theastaíonn aon chúnamh uait leis an bhfoirm seo a chomhlánú.

1. Cá huair ar chóir an fhoirm seo a úsáid

Is féidir an fhoirm seo a úsáid le cur isteach ar suas le sé Cheadúnas Trádála, nó ar Athsholáthar Cheadúnas Trádála más rud é gur cailleadh, goideadh nó scriosadh an cheadúnas a bhí agat roimhe seo.

2. Conas an fhoirm seo a chomhlánú

Roinn A

- Cuir isteach d'ainm, seoladh agus uimhir theileafóin sa spás atá curtha ar fáil. I gcás EINTITEAS DLÍTHIÚIL ní mór go ndearbhófaí an teideal dlíthiúil iomlán agus ceart, e.g. i gcás cuideachta chláráithe, ba chóir go luafaí an t-ainm mar atá sé sa Deimhniú Corpraithe. Mura cuideachta chláráithe é an trádálaí, ní mór go mbeidh an fhoirm comhlánaithe agus sínithe in ainm duine.
- Cuir isteach an uimhir CBL, NÓ an uimhir Ioncaim agus Árachais Shóisialaigh (IAS) nuair nach mbíonn an láimhdeachas níos mó ná an t-uasmhéid chun críocha cláráithe CBL.
- Cuir isteach an Luacháil do chuspóirí Rátála, NÓ, uimhir an Cheada Phleanála agus an dáta a deonaíodh é más áitreabh nua é agus nach ndearnadh é a luacháil go fóill.
- Cuir isteach ainm an té ar féidir dul i dteagmháil le i rith na gnáthuaireanta oifige, má éilítear sin.

Roinn B

Cuir isteach ainm na Cuideachta Árachais atá ag cur an chláir chuí do Thrádálaí Mótair ar fáil faoin Acht um Thrácht ar Bhóithre, 1961, arna leasú, agus dáta éaga an pholasaí árachais sin. Beidh do Theastas Árachais i dteannta leis an iarratas seo. Bunteastas agus ní cóip a bheidh leis.

Roinn C

- C1.** Léirigh cén cineál iarratais atá tú ag déanamh trí tic a chur le bosca (i), (ii) nó (iii). Má tá tú ag déanamh iarratais ar athsholáthar ceadúnais (iii), cuir isteach uimhir chláráithe an cheadúnais a bhí agat agus cuir tic leis an mbosca Cailíte, Goidte nó Scrioste, cibé acu is gaire do chúis athsholáthair an cheadúnais. Tabhair ar aird nach mór aon phláta atá á athsholáthar agus atá fós i do sheilbh a thabhairt don Oifig Mhótarchánach leis an iarratas seo.
- C2.** Cuir isteach líon gach cineál pláta trádála a bheidh ag teastáil uait. Is féidir iarratas a dhéanamh ar suas le sé pláta trádála ar an iomlán leis an bhfoirm seo. Má theastaíonn níos mó ná sé pláta trádála uait, ní mór duit foirm(eacha) breise a chomhlánú.
- C3.** Más rud é go raibh pláta trádála agat roimhe seo, cuir isteach an bhliain inár éag an cheadúnas/na ceadúnais pláta trádála is deireanaí a bhí agat.
- C4.** Cuir isteach an bhliain ina gcuirfear an pláta/na plátaí trádála a bhfuiltear ag déanamh iarratais ina leith anois i bhfeidhm.

Roinn D

- Ní mór go gur leis an Trádálaí Mótair an síniú ar an iarratas. I gcás cuideachtaí atá cláráithe faoi Acht na gCuideachtaí 1963, ní mór gur leis an Stiúrthóir Bainistíochta nó an Rúnaí an síniú. Nuair is comhlacht príobháideach atá i gceist, ní mór síniú duine de na comhpháirtithe a chur isteach.
- Is cion tromchúiseach é dearbhú bréagach a dhéanamh.

3. Cad a chaithfidh a bheith i dteannta na foirme seo

NÍ MÓR go mbeidh na doiciméid seo a leanas leis an iarratas seo:

- Táille – Ní mór duit seic nó ordú poist don táille chuí, a bheidh iníoctha leis an gComhairle Chontae/Comhairle Chathrach agus trasnaithe “Cuntas Mótarchánach” a chur isteach. Ná cuir airgead tríd an bpost. Téigh i dteagmháil le d'Oifig Mótarchánach áitiúil le soiléiriú a fháil maidir leis na táillí cuí nó modhanna íoctha eile.
- Fianaise go bhfuiltear cláráithe le haghaidh Cáin Bhreisluacha (uimhir CBL), NÓ an uimhir Ioncaim agus Árachais Shóisialaigh (IAS) nuair nach mbíonn an láimhdeachas níos mó ná an t-uasmhéid chun críocha cláráithe CBL.
- Fianaise ar Luacháil do chuspóirí Rátála áitribh an iarratasóra, nó, fianaise ar an gCead Pleanála más áitreabh nua é agus nach ndearnadh é a luacháil go fóill.
- Teastas Árachais reatha faoin Acht um Thrácht ar Bhóithre 1961, arna leasú, a oireann do Thrádálaí Mótair.
- Más infheidhme, an Pláta a bhfuil athsholáthar á dhéanamh air más rud é go bhfuil sé fós i do sheilbh.

EOLAS AR PHLÁTAÍ TRÁDÁLA

- Leagtar amach na coinníollacha ina féidir le hiarratasóirí Ceadúnais Thrádála a eisiúint agus a úsáid in Alt 21 den Acht Airgeadais (Uimh 2), 1992, sna Rialacháin um Fheithiclí Bóthair (Clárú agus Ceadúnú) (Leasú), (Uimh. 2) 1992 agus sna Rialacháin um Chlárú agus Cánachas Feithiclí, 1992.
- NÍL Ceadúnais Trádála inaistríthe.
- Is féidir Ceadúnais Trádála a eisiúint ar feadh uathréimhse de bhliain féilire amháin. Ní bheidh aon laghdú i ndleacht sa chás gur éag cuid den bhliain roimh dháta eisithe an Cheadúnais Trádála. Ní bheidh aon aisíoc ar dhleacht in imthosca ar bith.
- Ní mór an Oifig Mhótarchánach a chur ar an eolas láithreach más rud é go gcailltear, go ngoidtear nó go scriostar Ceadúnas Trádála. Mura bhfuil ach pláta amháin i gceist ba chóir an pláta eile a thabhairt ar ais chuig an Oifig Mhótarchánach. Má bhíonn athsholáthar ar phláta riachtanach, ba chóir iarratas a dhéanamh chuig an Oifig Mhótarchánach. Is cion é ag sealbhóir ceadúnais nó ag duine eile cóip de cheadúnas trádála a dhéanamh nó a thaispeáint. Is é €1269.74 an uasphionóis ar chiontuíthe ciona coir iúil a bhaineann le cheadúnas trádála agus/nó téarma príosúnachta nach mbeidh níos mó ná sé mhí.
- Má dhiúltaítear d'iarratas ar Cheadúnas Trádála, beidh sé de cheart agat achomharc a dhéanamh leis an gCúirt Dúiche maidir leis an ndiúltú sin faoi Alt 21(9) den Acht Airgeadais (Uimh 2), 1992.